

الميدوع المقفرد
حاتم عبد الإلدى
بكر بلبأه اهدى لطفه مبرك د
نواصده دوى الصرافة فى مبرك
الذبح
مع ألبه نبال
: كوريت

الهيئة العامة لقصور الثقافة
إقليم شرق الجنا الثقافية
فرع باميا الثقافية

ديار - السمار
شايح الشربى بامى

٥٥٧ / ٢٢٠٧٨٦ ت

لحظة ميلاد

أحمد الشربى

أشعار بالعامية المصرية

إصدارات الرواد - العدد ٣٥ - أكتوبر ١٩٩٦



إصدارات الرواد

يصددها نادي الأدب

بقصر ثقافة دمياط

المدير العام

محمد عبد المنعم

مدير القصر

عبد العزيز إسماعيل

رئيس نادي الأدب

سمير الفيل

مدير التحرير

ناصر العزبي

إهداء

إلى روح أبى
إلى مستقبل أبنائى
أهدى الديوان

إهداء خاص

الى القيمة الأخلاقية المتواجدة فى غير زمانها ..
الصديق الصحفي إبراهيم الحلبي الذى يضئ لمن حوله
دون انتظار لمجرد إنعكاس الضوء ، ففى لحظات
أقرب إلى الموات . كان أول المؤكدين على حتمية ..
لحظة الميلاد

أحمد الشربيني

الغلاف و الرسوم الداخلية

إهداء من الفنان سمير البوهي

« أسئلة »

سألوني إيه رغبتك ؟
أنا قلت أعيش إنسان
وقالولي إيه يبسطك ؟
قلت الوطن .. ينصان
وقالولي مين يظلمك ؟
أنا قلت أى جبان
وقالولي إيه يعلمك ؟
قلت الصديق .. لو خان .

تراثيل

إلى مصطفى أمين

ويّا حروف الكلام ..
علمتني أفرح
وف زحمة الأحزان ..
شفت الأمل .. مرسوم

.....

حسيت كلامك .. دفا ..
وقت ان يهل البرد .
في الغدر .. كان الوفا ..
في الجد .. هو الجد
في الوهن .. كان الشفا ..
ونسيم .. في لحظة صهد

يابو الكلام .. قنطرة ..
يوصل لجسر .. القلب ،
والكلمة تحبل ضيا ..

تولد فى وقت الصعب
قلبك كبير يا جدد ..
شايل هموم الخلق
(والفكرة) لم تنتهى ..
إلا ان .. بيان الحق .
مارضيت تقول : الآه ..
فى أوان .. ما كانت (لأ)

.....

سهم الكلام فى القوس ..
يرشق فى كبدي الهم
إكوى الجراح يا طبيب ..
غاييتي الجراح .. تتلم .
عمر الجراح ما تطيب ..
لو فيه صديد فى الدم .

.....

شايل حمل .. شلتها ،
لم يوم تقول : ... كليت
والحمل لم يهزمك ..
ينهد ما تهديت
ماسك فى إيدك .. قلم
شايل فى قلبك .. ألم
لا هبت م اللي ظلم ،

ولا دست ع اللى انظلم ،
شامخ ..

شموخ الهرم ،
وسط الهدد .. عليت .

.....

راضع نهود النيل ..
فوق ضفته .. شبيت .
رتلت فيه تراتيل ..
طلب الرجال .. شديت
شقوا .. القميص م الضهر
الشمس لحظة .. قهر
.. نامت فى عز الضهر !
يوسف .. مين اللى رماك ..
جوه ظلام الجب ؟!
يا سؤال وناقصه جواب
الديب ..

برىء م الذنب !
لكنه .. مش غضبان ..
م الأهل والخلان ،
د مافيش .. فى قلبه مكان ..
إلا يادوب .. للحب .

حصار الأسئلة

مع إني باعشق الابتسام ،
أنا .. ليه بيعصرني الألم ؟
رغم اشتياقي .. للكلام ..
الصمت ليه ييشدني ؟
أو .. ليه باسافر في اللي فات
مع إن بكره .. يهمني ؟
طب ليه باخاف ..
لما الأمان ،
يفرد شراعه .. يلفني ؟!
ما بين حصار الأسئلة ..
بابحث لنفسي .. عن وطن
عن عمر بعته .. بدون تمن !

نشرت بجلة الثقافة الجديدة

محتاج .. زمان ألاقيني فيه ..
مش لجل يطوينى الزمن .
محتاج لمعنى .. ألجأ إليه ،
لما يضيق الصدر من فعل المحن .
مأضيئك ..
ياللى انت عاشق للسفر ..
ياهل ترى .. سعيك سراب !
ولا فى غياب الوعى ..
أضناك الوصول ،
والقهر .. تانى يرجعك ؟!
فين يوجعك ؟
ياللى انت فى فلك السواقى ..
ومطرحك ،
قدرك تدور .
الفرع ليه ..
زهدي ارتباطه بالأصول ؟
والأصل ليه ..
عمال يللمم فى الجذور ؟
والجدر فى مهد الخصوبة والنما ..
شرايينه أغشاها الضمور !
إشهق ياتلج الفكر .. فور ،
فسر لى معنا دى الأمور .



ليه الانتظار عمال يطول .
من غير وصول ..
المنتظر ؟
والبسة ليه ..
نشفت على وشوش البشر ؟
حتى الجميل ..
مابقاش جميل .. زى القمر !
ياقلب مزحوم بالضجر ..
طفل الأمل
راضع حليب الوهم ..
من صدر الضياع !
ياعاشق الحلم ..
المعفر فى تراب اللاسكون ..
إوعاك تبيح .. فعل الظنون .
أبدر همومك ..
فى منابع أصلها .
ولحين ما تنوى تلمها .
صوب إيمانك ..
فى اتجاه .. إنك تكون
وابكى إذا ..
كان البكا ..

١٩٩٠

بيحفرك

عنناد

بين هزيم القهر
فى عيون الولاد ،
وابتسام الزهر ..
فى وجه العناد
وانكسار .. قلب الصبية ،
لما ينسى البدر فى ليل الضنا ،
إنه يوصل فى الميعاد .
لما نار الوجد تحتل الجوانح ،
أو تكابر فى اشتعالها !
رافضة .. كونها .. يكون رماد .
لما ريح الوهم تعصف ..
باللى باقى ..
من خيال المحرومين .

لو تتوه ..
فينا الملامح
أو يجف القلب ..
من معنى الحنين ،
لو تغرنا الليالي ،
أو يضيع منا الأمان ،
واللي كان ..
يصبح كلام .. تمحى معناه السنين .
قلبي رفرف
بين ضلوعي ..
زى طير أخضر .. جريح .
فى حوارى المعنى .. شقشق ،
باللي كان ..
.. معناه صريح .
ألف آه ..
من بلوغك يا وطر .
لما أحضان الشراقي ،
تنن .. تزعق ..
تنتهى لمس المطر .

قلت اركب .. خيل عنادي
والمعاني تبقى سيفي
وانتظار الضنى .. زادي .
والضعيف من أهل جنسى ..
شافني منسى ،
مد إيدته الفاضية .. لى
وف عنيه المستحيه ..
شفت نفسى ،
شلت يأسى ..
بين ضلوعى .
غصب عنى .. خفت إنى ..
ينطلق .. شلال دموعى .
حد فاصل .. بين أواصل ،
ولا ألبس .. توب خضوعى !

١٩٩٠

فى المقترق

وكأنها .. من غير نقط ..
كل الحروف اللى انكتب ..
بيها الحوار .
أو باختصار ..
كان غير كده .. لحظة بداية فكرته ،
.. حلمى الكبير !
- قصدى اللى كان - .. فى الوقت ده
.. أكبر كتير ،
من تفصيلات الاحتمال !
ماقصدتهاش ..
لما المعانى طلقتهها .. جوّه اللى جى ،
يخدعها ضى ..

نشرت فى كتاب (شعر العامية فى .. دمياط)



تاهت في وادي الانتظار .
اتبعرت كل الجمل ،
وتعثرت .. لغة الحوار .
الحلم أشبه بالفراش ..
بجناح رقيق .
يادوب عشان .. يقدر يطير ،
قرب الضيا .
ماقصدتش انه هاتيكوى ..
بنار الدفا ،
في الحلق حبر دمعنى .. طعم المرار !
فرس الرهان ..
متريصاله كيوته ، قبل السيق !
طب أعمل إيه ..
لو جه عليه النور ..
بدأ ؟
أسأل وفين رد السؤال :
هل فيه سمك ..
مات م الفرق ؟!
محتاج إجابة لما سبق .
وانا أصلى دايماً باتسند

لبكره .. ع اللى زمان .. مضى ..
جهدك .. قضا ..

مين يفهمنك ..

ياللى انت ضليت الطريق ؟

لو جيت فى يوم ،

ودعيت عليك ..

سامحنى يا يا ف تربتك ،

أنا لو مشيت جنب الحيطان ،

لو كان أمان !

طب أعمل إيه فى المفترق ؟

أدينى .. أهه ، فى المفترق ؟!

لو جاني ربح ..

مش باستريح ،

لو حتى سديت البيبان

كان نفسى يا يا .. لو أسألك ..

حالتنا .. اللى مال ،

ولا الزمان ..؟

يا حرقى .. من معنى كان .

أنا جيت فى يوم جبت الحروف ،

حسب الأصول ..

رتبتهم ..

طلعت كلام .

ومن الكلام ..
ظهرت جمل ،
ومن الجمل .. خلقت حوار ! ،
ومن الحوار .. بانت ملامح رؤيته ،
طلعت نهار .
تعرفشى يا با بعدها
إيه اللي صار ؟
وضع (الألف)
.. بقى مختلف ،
و(الميم) بتبكي ، وترتجف ،
و(اللام) .. بترفض ..
تعترف !
صار الكلام .. غير الكلام ..
تاهت ملامح .. رؤيته ،
وف لحظته ..
اتبعت كل الجمل !
وتفيد بإيه كلمة .. أمل ،
وكأنها ..
من غير نقط ..
كل الحروف اللي انكتب ..
بيها الحوار

إلى القاص محسن يونس

إلى القاص محسن يونس

.....

لما سهر المضي يجرح ..
الى بعتر عمره يترجى الصباح ،
لا تستريح الحزن فى توبة الشقيف ،
لوصول الليل فى المدي ،
وامتهجى الليل ..

.. جراح -

عيد قرابة سفر تكوين الوجع ،
واطلق التعديد ..^(١)

تعيد رجع الصدى

.. للمستباح -

تعديده ع الى ..

زمانه قات . . ،

والثانية الى ف همه بات . . ،

والتائه للى مناه .. يوصل
.. فكرته ،
لكنه مجبر .. ع السكات .
د . الجبر . قبر الاختيار ،
وانا سكتى .. ما اخترتهاش !
عطشانه رغبة لضلها ..
- آمنت باليسر العسير - .. !
م الخوف .. تطوف على قبرها ..
قاصدة الخلاص - الغير متاح - .
قلبي العجوز .. لساه صبي ،
لكنه أوسع م البراح .
مايكفينيش (يوم للفرح) .. (٢)
ولا حتى عام ،
وانا اللى صام الدهر .. إلام الجراح .
أنا اللى ناح ..
كما نوح .. ماناح !
ما حلمتش إنى أكون .. نبى
لكنى باحلم بالطوفان
ويطل من صلب العدم ..
كنعان جديد
وابنه .. الوليد المنتظر ..
يصبح / أنا / .. ،

كل الهواجس ممكنة .
ممکن أكون ..
من نسل (سام) الترجسى
من فوق بساطه .. السندسى ..
ييدر رماد (الأمثلة) (٣)
يغشى العيون .
آمنت بالغضب المبين ،
وبلعنة البوح السجين ،
وبفكر شاخت نطقته .. ،
عريان مخاض ..
جذب الجنين .
ويكل صامت ..
ضله باهت .. مستكين .
وبياء وسين ،
ويطور سنين ..
من آدمى .. يدمى .. بعد حنين .
درويش وفاض بيه المدد .
وبحق حزنى .. وبالبلد ،
بكره المدد .. يطرح يقين ،
(مساكين) .. وعمر ما كان لهم .. (٤)
حق الكلام
مساكين ويطرح زرغهم ،

وأنا منهم ..
طعم الآلام ..
قلبي البراح .. طاله الضجر
ياشافيني - دائماً - ..
مجدلى ، إرمى الحجر ،
وان كان لى ذنب تكفروه ..
بذنب عمره ما يفتقر .
إرمى الحجر ،
إرمى الحجر ،

١٩٩٤

الهوامش : ١- للقاص عدة قصص تحمل عنوان (تعديده لـ..)

٢- يوم للفرح ، مجموعة قصصية لخمن يونس .

٣- إشارة بمجموعة (الكلام فى الأمثال يعنى)

٤- إشارة بمجموعة (الكلام هنا للمساكين)

القصيدة حصلت على المركز الأول فى السابقة التى نظمتها فرح ثقافة دباط عام ١٩٩٥

غربة

لما كان ..
يضنننى همى .
أترمى ف حضنك ..
يا أمى .
واما انهنه ..
جوه صدرك ..
نبض قلبك ،
كان يسمى .
والدفا يسرب فى روحى ،
والأمان ..
يوصل لدمى ،
من شهيق اللهفة .. أدفى .

ياااه ..

يا أمى !

.....

والنهارده ..

ليه يا أمى

بعد غيبة .. لما شفتك

شفت شئ ..

ليه أَلَف معنى

إلا معنى يقول : عرفتك !؟

دهر .. قهر ، اللحظة فاتت ..

قبل تفسير الملامح ..

بين ضلوعى ..

مهر رامج .

بيسابقنى لحد .. حضنك .

قبل ما أوصل ..

لجل أضملك

فوق همومى ..

جيتى يالأمه ..

رميتى همك .

.....

قلبك .. البارح .. زمان ..

النهارده ما بيساعيش .

قلت أسمع نبضه ..

يمكن ،

بس كان نبضك .. ما فيش!

ارتعشت في كهف حضنك ..

صعب .. إنه مادفانيش . !

نفسى أصرخ ..

من حشايا ،

بس خفت ..

ما تسمعيش !

الساعادى .. بس يالاه ،

لاجلك انتى ..

خفت أعيش .

١٩٩١

أصول الشفاعة

طوبى لنا ..
ولن هلك .
فاضت منابع .. منهلك .
يا حلم فى غفلة نهار ..
ممن اللي قاصد ..
بقتلك . ؟
تبت إيدى اللي انتهك ..
حرمة بكاره فكرنا ،
واللى خطا ..
لما امتطى ..
طيبة قلوبنا ، والضنا ،
واللى جنا ..

رداً على مقال نشره إحدى الصحف المتخصصة ، يسر إلى شمر العلمية فى دمايط

ع اللى اتجنى ..
من طرح نبضك يا قلم ،
اللى فرد .. واللى تنى ..
طينة كلام الشعر ..
تنطق بالسنا .
مش بس .. انا ..
ضهرى اتجنى ،
شايل حمول آيتى .. لقايتى ..
المستحيلة الممكنة !
فوق الجبين .. خطين ..
ما فيش بينهم لقا .
يا عمر متلون شقا .
بين الضلوع .. قلبى اتسجن ،
ناح م الشجن
وانا قلبى - طير - ..
يفهم أصول الشقشقة .
عاشقين بكايا .. الخلق ..
مين
يقايضنى .. حزنه .. يفرحتى ؟
من عهد أيام الصبا ..

عاشق مواويل .. الصبأ .
م المهد .. باتهجي الجراح !
أخضر حبا
شارد .. كبا .. تاه في البراح .
لكنما .. شب ونما .. ،
حصد المتاح .
يا من غواه .. فعل النواح ..
لا يخذعك ..
حلو الكلام .. ،
ولا تبكى إلا بعلتك .
والسهم اللي ما يقتلك ..
من جرحه تظهر قوتك .

١٩٩٣

في طلة حلمنا الوردى ..

إلى رفيق المعاناة

الشاعر أحمد إبراهيم

في طلة حلمنا الوردى ،
ياخذنا الفكر ،

.. ويودى .

رمينا البصة .. قدامنا

لمحنا .. شكل ماضيها .

نسافر جوّه أحلامنا

بلا مركب ،

ولا مينا .

تغيب الضحكة .. نرسمها ،

تفيض الدمعة ..

نقسمها .

وصورتى ..

لو تتوه منى ..

أشوف صورتك ..

بتشكل .
ألاقيني في تقسيمها ..
في طلة حلمنا الوردى

.....
بتتفرق .. وتتلاقى ،
ونفتح .. للحوار طاقة .
ونتصالح .. ونتخاصم ..
لا بيدوم الكلام .. بيننا ،
ولا حتى .. الخصام . دايم ..
ولما ..
الصدقة تجمعنا ،

وشئ ..
في القلب يوجعنا
نفتش ثاني جوانا ..
نلاقى نفسنا رجعا ،
لطللة حلمنا الوردى .

.....
في طلة حلمنا .. كنا
نغيب والطللة . لم غابت
سحابة صيف ..
تبدلنا ،
وريح وديت ، وريح جابت .

ويفضل ..
باقى كام كلمة ..
برغم البعد ، واتعادت ،
أحس بقلبي ..
مش عندي ،
وقلبك - زبي - .. مش عندك ..
لانا .. اتغيرت ..
في بعدى ،
ولا انت غيرك .. بعدك . ،
في طلة حلمنا الوردى .
.....
في طلة حلمنا .. نقسى ،
ولا ننسى أمانينا .
ولحظة صمتنا نسمع ..
سوى ، أجمل .. أغانينا ،
تفكرنا ، تسهرنا ، تقرينا .. لبعضينا .
بفكرة باقية م الذكرى .
بنتلهف .. على بكره ..
على الحلم اللى يجمعنا ،
أنا .. وانت وليالينا .. ،
في طلة .. حلمنا الوردى .

تشويش ..

.. ! .. !! .. !?
كل المعاني اتشبكة ..
فيه التباس .
تدخل جميع التسميات ..
فى (بند) .ناس .
ودا (أفلاطون) .. الفيلسوف ..
- تحت الظروف -
بقى كل علمه .. بدون أساس !
العقل حاس .
كل الأمور .. (اتفلسفت) ..
خلقت صراع !



وانتى الحقيقة يامركبه ..
من غير شراع .. ،
والبحر فاير بالظنون ،
ملاح ويائس م السكون .
من خلف سور الجمجمة ..
كله استكان !
إلاها .. فكرة مشوشة ..
كله استكان !
بالأمس ..
كانت شئ محال
أما النهارده ..
فاحتمال ،
ماعرفشى بكره ..
هاتبقى إيه ؟
ولزاي .. وليه ؟
محتاج لحد .. انده عليه !
لكنه مين ؟
كل البشر .. متصنفين ..
مابين شيطان ، أو بين ملاك ،
أو بين ، وبين .

ما يهمني.. أنا ابقي مين ؟
أو إيه رصيدي ..
من الصفات ؟
كل الحالات هاتكون خطأ ..
- فى الوقت - صح !
منطق عجيب .. محتاج لشرح .
والعقل صوته انبح ..بح .
(هاملت) يا عاقل ..
قول وعيد ،
قول من جديد ،
الفرق إيه ..
ما بين أكون ، أو لا أكون ؟
والعقل ليه نفس النسب ..
نسب الجنون ؟!
قد لا تكون وقت أن تكون .
محكوم بوجهات النظر .
بالفكر ..
لحظة .. ما انشطر .
تخلقها ليه .. المعضلة ؟
نرجع لأصل المسألة .. ،

واسمع أنين الانتماء ..
لا حياة !
كل العقول ..
اتبرمجت ! ،
مفاهيم كثيرة .. انحورت ! ،
تقاليد ..
جديدة .. انمررت ! ،
وتدنيات ..
- وقت انفلات - ..
اتبررت !
مارس طقوس السفسطة .. ،
واوجد .. علاقة الاجتهاد ..
بجميع فروع الشعبطة . ،
أو .. عيد صياغة .. كل شيء .
- آخر المسار - ..
هاتلاقي نفسك .. باختصار ..
قدام قضية .. ملخبطة

١٩٨٧

مـوات

انتشل باقى احترامك ..
من حطام الذكريات .
وارصد المعنى فى كلامك ..
ألا تغويه الغايات .
واحترس ..
وانت ف مكانك ..
تعشق الليل الطويل ..
يسكنك ..
شبح اللى فات !
أحصر ..
الماضى فى سنيته .
واضرب ..
الوهم فى عرينه ،

صَوَّب ..
الكلمة اللى باقية ،
فى اتجاه ..
كهف السكات
سخر القيمة .. لوجودك ..
بالمعانى ..
كما بالآيات .
داللى من غير معنى ..
بمايش .
حد أقصى ..
للتدنى ..
فى الموات !

١٩٩٠

العشا الأخير

لما البساط انشد ..
في الجد تحت القدم .
كان الخلاص بصاص ،
لاح في الخلا .. قناص !
الحزن متن الرؤى ، والبسمة ع الهامش
والضحكة صفرا ، وكافره ..
بالكامن المكنون .
أنا كنت بيلك مفتون !
في العتمة شفتك ، عرفتك ..
متفبرك الإحساس .
وانا قلبي بير مسكون ..
فيه باقى ريحة الناس .
لو كنت تقدر .. جبنى
ماقدرتش إننى أكرهك !

نشرت بكتاب (آفاق الأبداء في دمياط - سامر الأشجان)

مين أكرهك ؟

لحظة آذان الديك ..
أناديك ولا تلبى !
لو كنت قاصد تخبي ..
عن عنيك .. شوفى ،
وقت انشطار .. خوفى ،
وتخبي ظنك .. بظنك ..
إن التاريخ يتعاد .
دلكل فعل ارتداده ،
والرد ليه أبعاد .
شفتك وصمتك .. بصمتك ،
فى المحنة .. كالمعتاد .
أنا والسكات .. ضدين ،
وازى هانترادف ؟
ويا اختلاف القامات ..
م الصعب نتكاتف .
خدعوك « حوارى » الحوارى .
طب مين يعمدهم ؟!
من كام سنة فى الغار ..
على وعد بالإكليل !
دم القتيل .. دمي ،
لكن الممات تأويل !

الوهم (شبه لهم) ..
من وحى آخر عشا ، واللى انتشى ..
بدد سحاب .. عهده ،
والكيد .. أكيد رده ،
وانا فاكركه كان .. غيرك !
يا بئس تفسيرك . ؟!
لانا « دنكيشوت » الزمان ،
ولا انت تبقى (يسوع) !
وازاى تحس الوجع ..
وانا اللى كان موجوع !
والسم قال للوتر :
بإيه يفيد الحذر ،
وانا بالقدر مدفوع ؟
شرقانه عيني دموع .
والنبع جفت « ميتة » ،
والقبر عارف « ميتة » ،
والديك فصيح اللسان ..
مين اللى قاصده يسكته ؟
دم القتل .. دمي
ما يهمني .. مين موته !!
لكن اللى زاد .. همى ،
فارس نبيل فى الميدان ..
مين اللى يطلب .. ديته ؟!

هزم الكلام .. الصمت

فى صميم جدار .. الخوف ،
خلق القلق .. طاقة ! ..
قلبي ارتجف ..
سهمت .

واحترت بين أمرين ..
هزم الكلام .. الصمت !

.....

أصفر ياوش القمر ،
وطريقى متخفى
بطل أنين ياليل ..
دالقلب مستكفى

نشرت بمجلة (إقليم شرق الدلتا الثقافى)

خائف أدوس ع الشوك ..
أصل القدم .. حافى ،
وانا حملى أصله ثقيل ..
ييزل فى كتافى !
مجروح ، ومتعافى !
لوانخ زى الجمل .. يمكن ..
ساعتها ارتاح .
لكن بصيص الأمل ..
لحلى بالمحمل ،
ورجعت ألساند .
محتر .. بين أمرين ..
لا جرى ولا خايف !
أجرى ، وأجرى ، وكأنى ..
من دهر فات .. واقف ..
جوه حدود ضيقة ..
تعصر شرايينى ،
تحمى ملامحى العتيقة ،
تنهك .. ضيا عينى ،
تهتك براح طلتى .
تعكس مسار رؤيتى ،

تخفق وليد التجلى ،
تؤثد .. تفانينى .. ،
وأتوه مابين أمرين ...
بين الخطأ والصح .
وعجبية يا مسألة ..
الجمع قبل الطرح !
والجمع مين يقسمه ..
من غير ما يخلق جرح ؟
والحل مين يفهمه ..
من غير دخول فى الشرح !؟

١٩٨٧

بصّة من شباك اللى جاى

اليوم .. معلوم
والناس قاعدين على عتبة بكرة ،
تستجدى (ضل امبارح) !
(والمانع)
وهب النعمة .. تروح للغير ؟!
فلعل المانع (خير)
ولا نملك غير .. توأكلنا ،
وشربنا حضيض ، وأكلنا ،
من عرق .. الحال (الداعر)
ياطريق رغبتنا الواعر .
فاكرينك أسهل - لكن -
بركان نخوتنا (الساكن)
يلمحنا ..

بنسأوم على ملامحنا ،
وينهرب من تفاصيل تشكيلنا .
تشكيلنا عيوننه الباصه ..
لفين ؟ ..

مش عارف
وانا خايف
لا تكون البصة الخاصة
بعهد .. ما بعد الحرمان .
من شدة خوفى ..
لقيتني .. ما نيش قلقان !
بالذات .. لو كان
الخوف بانياهه ما يقبل ..
غير تفسير .. ،
والريح بتزيح ، وتبيح ..
تفاريح العالم ..
اللى ماهواش (تالت)
وبسحر الضحى (الخافت)
وغياب الوعى (الباهت)
بتلاعب وتر القلب المغمى عليه ،
وتغنى عنيه
من وقت حمام (غيتنا) ..
مابطل إنه ييوح ،

وطموحنا لغير تجريحنا .. بات مكبوح !
وليت الوجه .. لفين مايروح !
ورياحنا اتحرمت م التأثير
المركب نسيت (خط السير)
وما شالله علينا .. دعينا !
اللهم اجعله خير
من صغرى .. الخوف من بكرة ..
أتأصل ويا صفات تكويني .
جهل الأهل اتمكن ..
من شراييني .
وبقيت أخرس ، وطرش ، واعمى ..
وكل عاهات العالم .. ملك يميني
فيا عالم أكثر مني ..
افتيني
والسرا هو كامن ..
تحت قرار .. البير
والخوف ما ييقبل غير تفسير
وبوجه ما يحمل بين ..
تقاطيعه أى هرج
العالم أفتى وقال !
ليس عليك حرج !
ليس علينا حرج !!

١٩٩٣

أحلام الشجر

أنا زى الشجر ..
ضارب فى بطن الأرض ،
باتنفس ..
.. حنين .. الطين
فروعى أصلها .. منه ،
وفيه تيننا ..
حكاوى سنين .
ومهما ان طالت .. الغربة .
تاخذنى .. أصالة التربة ،
بضمة حضنها الدافئ
يقيد .. فيض المدد .. بيننا ،
.. تبوح لى بسرها الوافى .
أفضى ف بطنها حملى ،

تضم بشلها .. شملى .
على جسر اللقا .. العاتى ،
أراود فكرتى عنها
تكفرنى .. وتستغفر
وانا .. المطرود من الجنة ..
جمان .. حافى
شقايا .. خيال بيتبعنى ،
حمول ذنبى .. على كتافى
وكشف الستر مش هين ،
وبيبين ..
تباريحه .. على جيبينى !
بورق التوت ، منين مانفوت ..
بتسفحنا .. خطايانا ،
وتخدعنا .. خطاونيا
وكيف نرجع .. لماوانا ؟
كما .. زرعة .. شجر طارح ،
بشاير صبحها الآتى ..
تبدد عتمة امبارح !
وانا واقف .. على حيلى ،
تهون نفسى .. عشان غيرى ،
كما الأشجار

أعيش في الطل .. وفروعي
إيدين تدعى
يقيد الحر في ضلوعي .. ودا شرعي ،
ندى سابل .. دموع تنعى ..
كما الأشجار
أشوف الطير ..
بتيداري ، وبيعش ..
على حاله
ياخذني معاه .. في ترحاله ،
صبية عاشقة .. سهرانه ..
بشوق تهمس ،
لندهة حلمها البكري ..
يتوه فكري ..
بقصة .. كل من غنى ،
ياخذني معاه .. لمواله ،
وم الحاصل ..
حبال الود ، تتواصل .
قلوب خضرا ..
بتتجلى برسمتها .. على جزعي
برعشة خو في ع الرسمة ...
يميل فرعي ،


تهل ولادة البسمة ،
يسيل دمعى ،
كما الأشجار .
وبدر يهل فى العالى ،
وأنا واقف .. ودا حالى ،
ونتأمل تجلال الليل
صوت ع الناي ..
فى عز الصمت .. يسبح .
يانايم .. وحد الدايم ،
وسبحانك .. بصوت كروان ،
يقول : الملك ..
لك .. لك .. لك
فى كل مكان ، وأى زمان .
يهل الصبح .. ويشفق ،
وتصيح طيوره .. وتزفرق ..
ورزق الناس .. بيتفرق ،
أشوف الحلم .. بتحقق ،
واموتت واقف ،
على حيلى .. كما الأشجار

١٩٨٥

لحظة ميلاد

وكأنه في لحظة مخاض !
وملاية بيضا .. مألّة ..
تستنى تبشيرة ميلاد .
صورة ف خيال ..
لسه يادوب .. فكرة جنين .
إتأخرت ، ..
واتقدّمت ، ..
واتكونت ، واتلونت ..
جوّة الحشا ،
تكمل بكل المفردات .
الصفحة (بكر) .. وفضّها ..
لما انفعل !

هذه القصيدة حصلت على المركز الأول في المسابقة التي نظمتها (ثقافة دمايط) عام ١٩٨٨



غير ملامح أرضها ..
بيت جنب بيت ،
أو تحت بيت ،
أو بيت من النص انشطر ،
.. من غير صراخ !

.....

الصوت بيسرى فى المكان ..
صوت الوليد ،
صوت الزمان ..
اللى ابتدئ .. قبل الزمان ،
ما عرفش إمتى ،
ومين أبوه ؟

هيمروس !

طاغور !! ،

أو أى واحد م البلد ؟!
صوت الجنين مليون شجن ،
حزن وألم .. ،
اللى ف ملامحه .. انحولت ..
حلم وخيال !

.....

هذا الجنين .. كان اتولد ..

من غير خلاص . !
كان .. مات خلاص ،
لكنه .. عاد ثاني اتولد . ،
لما الخيال .. لحظة لقا ،
عاشر حقيقة .. محققة .
أخذ وعطا ،
فرش وغطا ،
لمع البريق ،
بان الطريق ،
(تورية) ترمى على البعيد ..
تخلق جديد .
حتى (التضاد) ..
جى فى الميعاد ،
قبل (الجناس)
تم (الطباق) .. حصل المراد !
بعد (المقابلة) ما تنتهى ..
ملمح (بديع) ، ...
ضم الجميع ،
بشر بأسرار .. الميلاد ،
.. على شط (بحر التفعيلات)

والفكرة تانى .. اتكونت ،
واتلونت ..

جوّه الحشا ،
تكمّل ..

بكل المفردات . ،
وكأنه فى لحظة .. مخاض ..
لحظة أنين ،
كان الجنين ..
مولود جديد .. لما اتولد .
من قبل اسمه ما ينكتب ،
أو حتى ..

تاريخ الميلاد
يادوب ويس .. انه اتوجد ،
كان القلم .. لسه ف ألم ،
وكأنه فى ..
لحظة مخاض !

١٩٨٦

وكان .. ياما .. كان

فى ذكرى الشاعر .. طاهر أبو فاشا

.....

يادمعة ياللى عاصيانى ..

يالماً تسيلى .. يا تجفى .

وبعد الفرقة .. إيه تانى ؟

خلاص .. دالقلب مستكفى !

وجوه ساكن فى أعمارها ..

قدرها تمللى متخفى .

وبعد فراق .. حباينا ..

منين .. الحزن هايدفى ؟

.....

لنا قصدى كتابة شعر .. ،

ولا قصدى .. فى يوم أبكيه .

ليختل الميزان منى ..

أذيعت فى برنامج (أمسية ثقافية) بالقناة الثانية

بيان ضعفى بحزنى عليه .

واقول : جائز ،

كلام عاجز .. تبان معانية

وكان .. ياما .. كان

[دا كان عطشان ، ^(١)]

وكانت فى الدلال سايقة

وعز عليه .. يات عطشان ..

فى حضن الشيخ على السقا]

وآه .. بالحظة الفرقة .

داكان قنديل لأهل الحى ،

يفيض بالضى ..

ليالى تفوت ، ونستناه ..

مع يومنا اللى بكره .. جى .

.....

ياخذنا الشوق ، ويبودى

يفوت العمر ويعدى ..

(فى ليله .. بعدها ليله) ^(٢)

وذات ليله ..

سماها .. صافية ع الآخر ..

قمرها .. بدر ع الآخر .

نجومها .. بتضوى ع الآخر .

بافتش فى مفاتنها ..

لمحت النجم بتأخر !

بحسرة قلبي جَوَّأيا ..

سألني القلب :

فين طاهر ؟

(وراهب الليل) (٣) ..

في محرابه ،

قفلى .. بابه !

وقبل ما يطوى في كتابه

ترك صفحه .. بلون أبيض

لأنسابه

عساها تكمل المعنى ..

وليه سابه ؟

ما وضحت ، ولملم كل أسبابه .

وكان .. ياما .. كان

دا كان فارس ..

طريق الكلمة .. مشواره

(كما الشاطر) .. ترك دأره

(وست الحسن) .. بجمالها ،

مشى لها .. لما شاف .. شالها . ،

نسج بشعوره .. قمشه لها . ،

ووفى الوعد .. قام .. شالها ،

وقرب نهاية القصة ..

تركها لنا

عسانا ف يوم .. نكملها
ولا اتخيل قدوم العيد ..
بدون فرحة (٤)
عروسة ماشية فى الزفة ،
.. بلا طرحة
ومين يعطف على أولا (القوافى)
مين ؟
أديك عارف أهالى الحى ،
عادتهم ..
بتحجب عن ولادنا الضى !
وفين احنا ..
من اللى جى ؟
لا جيب (القافية) وحروفها ، (٥)
واعرفها .. بأحوالهم ،
وأحوالك .
فلا ماقلت يوصلنا ،
ولا ما قلنا ..
كان جالك !
(بحرف روى) .. ياراوى عطشناالك ،
(وحرف الوصل) .. وصلنا .. بآمالك ،
(وحرف خروج) .. خوج لينا بشى نالك ،
(وحرف الردف) .. يحدف حدف .. أعدالك ،

(وبالتأسيس) أدبك أسست أعمالك ،
(وحرف دخيل) .. دخل بيننا فما بالك ..
بأحوالنا ..
فى يوم ما تغيب بأحوالك .
أمانه ..

ياللى كان لنا
شجر .. خضر صحارينا .
وقصة ..
باقية جونا ..
فى يوم ما تروق ليالينا ،
(فى ليلة بعدها .. ليلة)
هانحكيها لبعضينا ..

١٩٩٢

-
- الهوامش : (١) تناص مع مقطع من أغنية كتبها عن دمياط
- الشيخ على السقا اسم يطلق على حى شهير بدمياط
(٢) أشهر مؤلفات الشاعر طاهر أبو فاشا
(٣) واحد من مؤلفات أبو فاشا
(٤) كان حريص على المشاركة فى جميع المناسبات وخصوصاً عيد دمياط
القومى وتولى فى توقيت المناسبة
(٥) فى أمسية أقيمت بجامعة عين شمس ، أثنى فيها على صاحب الديوان
وخصوصاً فى مسألة الأوزان والقوافى ..

حبال الصبر

تغيب الضحكة ،
وتلمّح ..
وهمك .. فى الحشا ..
يدبح .
يشوفنى .. الحزن
.. فى عيونك ،
أسافر فى مدى كونك .
قدر مكتوب ،
وصبرى .. حبال ..
أخاف لاندوب ،
يضيع منى ..

نشرت بجريدة النبا ، و بجريدة الأحرار ، واذيعت بالتلفزيون القناة الرابعة

الأمان ، والحب .
ومرسال الأمل .. طوّل
لا بتغير .. ولا التحول ،
وتقسى ليه .. يا أيامى ..
على المحبوب ؟
على عهدك .. أنا باقى ،
وشايل ..
حمل أشواقى ،
ليوم .. ترجع غناويكى ،
وترجع ..
ضحكتك تانى ..
تبدد ..
طعم أحزاني ،
بحرف يوضح .. الكلمة
يضيفها ..
لسطر .. عنوانى
وجملة .. تفسر المعنى
لأقول : إزاي ..
ولا اشمعنى ؟!
وعيرة تبان ..
من الفكرة ،

تبددلى .. سراب بكرة ،
وابص ..
فى وشك .. القانى .. بكل وضوح .
لا قلقانى .. هموم وجروح !
ماخافشى .. لو تضمينى !
لو اغضب .. برضه هدينى .
لوانعس ..
قوى صحنى ،
أشاورك .. وانتى شاورينى :-
دانا .. راسمك ..
على اسمك .
ياصورة عشقهها ..
فنانك .
أنا عودك ،
وأنغامك .
وانا .. ليلك ، وأيامك .
وقبل السهم ..
ما يصيبك ،
أقدم .. نفسى قدامك .
لبشرة خير ..
يادوب طالله ،

مع حفنه ..
من الغلة ،
وبعضش .. ميه م القلة .
ونسمة من صباح .. نادى ،
وكلمة حق .. مكتوبة ،
تغير .. صورة مقلوبة .
.. تبان الطوبة
ع الطوبة
وعن حبك .. ماعمرى أثوب ،
.. أحبك بكرة وامبارح
فى غنوة طيرك .. الشادى ،
واحبك نشرلو: جارج ،
.. واحبك .. زهرة فى الوادى
واحبك طفل بيخطى ،
وحكمة وعلم .. لولادى
واحبك صورة وقصيدة ..
ياحثة منى .. يابلادى .

١٩٨٧

متاريس

عاشق لطيفك ، وتينك ..
يحرم على الجاني .
قاسمينى فى ضحكى ..
يانبع أحزاني
تصلينى نارك .. فى دارك ،
والحسرة فى الغربة .
أطلق حنينى إليك ..
يمكن يلوف بسماك .
لكنه تاه فى (سماك) !
شارد كسير الجناح ..
من صهد ترحاله ..
مين اللى أوحاله ؟



يشرب عطش غريته ،
يوهبها ليك تنهيد .
فكى القيود م الإيد
أغزل خيوط لهفتى
والحظن مش دافى ،
وانسج بيايه ليكى ..
ياكاسره حدافى ؟
توبك بلى ، وابتلى ،
لحظة عدل (نولك)
رايده لمين نولك ؟
الكدابين فى الفرع .
لحظة ماغنو لك ؟
ولا اللي وقت الضنا ..
شايل عنا .. قولك .
تقسى واقول : د الزمن ..
هو اللي كان .. قاسى
وتفصلى المتاريس ،
دايما على مقاسى .
ياخايفة من كلمتى ،
وبتكراهى صمتى

فرحك يصرحك ..
غير جرحى مين علاه ؟
مليتى أكتب كتابك ،
ونراجع الإملا
وتللملمنى .. معانى ..
كل الحروف كاملة
حطى بجنينك ع الوجع
تتجسد الجملة
من ليلي ينبت نهارك ،
أرجع أمليكى .
ياحروف سنينى العصىة
أنا كل ما ليكى
لو تخنى هامتى .. قوليلى :
طب مين يعليكى ؟
وانا اللى مال ليكى ،
وانا اللى مال ييكي .

١٩٩٤

زهرة البشنيين

إلى روح الأديب الديماطى - حسين البلتاجى

ضاق الزمان ، المكان ..
بالحزن فاخترارك ..
واللحن أصبح نثاز ..
من وهن أوتارك .
عاندت بحر الزمن ، ..
والموج شديد عاتى ،
حركت جيش الوجع ..
على عتمه الآتى .
عينى اليمين .. رفت ..
عينى الشمال - فنجان
مليان قلق ع الملاء ..
من سكرة النسيان
من صبحنا المشروخ ..

طل النهار حيران
م المشى فوق العجين
(للرقص ع البركان)^(١)
شلال هوان ييفور ..
يدفعنا للمحظور
نختل فى الأوزان
نخلط ما بين ضدين ..
بين الأصيل والشين
نقلب على الوشين
ولكل وش .. أوان
دريك .. غدريك .. ولكن ..
طبع اعناد تكوين
(و الاجترار) اختيار ..^(٢)
من وحى كيميا الطين
فين المدى للقول ..
يا زهرة البشنيين ؟!
عكس الظروف بتطوف ..
قلقان وبتعافر
مليت حروف الخوف ،
فى الجملة بتسافر ..
فتميت كما شبيت ..

تبكيت على تنكيت
عريان من الإتيكيت
مهزوم ، ويتكابر
تقفل عليك نفسك ..
أسمع سريخ يأسك
الخوف غلبنى .. ناديت :
(يا عشورنا يا ناجي) (٣)
.. يا حسين يا بلتاجي
ياللى انت بتحاجي ..
على طايقة (الحرافيش)
انا قولى ما يكفيش
أطلق لجام القول ..
يرمح على الصايب
يا حاضرنا .. يا غايب
واحشاني قعدة صفا ..
(على قهوة الدقاق) (٤)
حوالين وليمة أدب ،
- ونحيد الأخلاق -
تحكى لنا عن (مكسيم) ،
مع نبذه عن (تشيكوف) ،
والمنصر ابن لوبين ،

والخبر المعروف ،^(٥)
ومناوشة من (دحروج)
ع النص فيها خروج ،
يشربها (حلمي ياسين) ،
(علوش) يشعللها .. ،
(يونس) يؤولها .. ،
(محروس) يكملها
تتكهرب الليلة ،
يفتى (أبو العيلة)^(٦)
نرجع لأولها ..
ونغير الفنّاجين
من تاني قول : يا حسين
دى القصة من بصتك
محتاجة لنهاية
(لو مستجاب) استجاب^(٧)
ويكمل الغاية
إزاي فى غمضة عين ..
تتجسد الآية ؟
أبكى عليك يا حزين ..
ولا على حالى
م انا وانت فى التكوين ..

مانقولش وانا مالي
قلبك عليك يرميل .. متعبي بالاسرار
عن بعد زى الليل ،
م القرب كالجمار
(صعلوك) فى نخوة ملك ..
وأمر فى توب (مملوك)
ياقلبك المنهوك
ماقدرش يتحمل .. القبح يتجميل
مين اللي ها يكمل .. من بعدك المشوار ؟!
بيمر يوم (لتنين)^(٨) ،
واستنى إنك جى !
وابص ع القاعدين ..
فين الشبه ، والزى
وتمر بينا ساعات
وكأننا أموات
وانت ما بنينا .. حى .

١٩٩٦

-
- هوامش : (١) مجموعة قصصية للبلتاجى (٥) شرلوك هولمز
(٢) عنوان قصة للبلتاجى (٦) الأديب أحمد عبد الرازق
(٣) عاشور الناجى بطل رواية الخرافيش (٧) الأديب محمد مستجاب
لنجيب محفوظ (٨) ندوة أدباء دمياط
(٤) ملتقى أدباء دمياط على (كورنيش النيل)
* بقية الأسماء لأدباء دمياط
* نشرت القصيدة بمجلة الثقافة الجديدة عدد ٩٢

إوعى .. مرة تصدقيني

لما أقول : إني بحبك ..
إوعى مرة تصدقيني !
لو تحسى .. إني جنبك .
ولا ساكن .. جوه قلبك ..
بصى تانى .. دورى ..
مش هاتلاقيني .
دى حقيقتى .. يا حبيبتى ،
صدقيني .
قلبي تاه .. وبيا الليالى .
طير وطاير .. فى العلالى .
سبته يسرح !
قلت يفرح .
عاش أسير
شعرى وخيالى .

طار .. يرفرف .. ع السواقى ،
.. ع الجنائن .
للربيع يشكى .. يغنى .
كان يبكى .. لما يحكى
كان يغنى .. وقصده يشكى ..
م اللى قابله ..

قبل منك .
- مش بإيدى - لو كرهتاك ! ،
إوعى تبكى ،
أو .. تلومى ..
خدت نايبى .. من همومى .
والجواب ،

لو تسألينى :
- لما أقول : إنى بحبك .
إوعى .. مرة تصدقينى .
.....

بصى فى عينيه الحزينة .
بصى تلقى ..
ميت مدينة ،

والبحور ..
صافية وغريقة ،

دمعة نايمه ،
نظرة هايمه ..
دى الحقيقه .
أه ياخوفى م الحقيقه ،
بصى تانى .
هاتشوفيه ،
نفسى إنك .. تعرفيه .
- جوّه قلبى -
اللى عاش دايماً .. يخبى .
أصله خايف .
م اللى شايفه .. ع الشفايف !
ياما .. قالوا : أحلى منه .
فى النهايه ..
عرفت إنه ..
كان لغيرى ،
مش لقلبى ..
ليه يكون الذنب .. ذنبى ؟
أخدعك .. أو تخدعيني !
وأما أقول : انى بحبك ..
ياحبيبتى ..
إوعى .. مرّة تصدقيني

١٩٨٧

الموضوع والمحمول

الخوف .. موات ،
والموت .. سكات
والصمت لو ..
من غير غرض .
يبقى اختصار ..
فعل المرض ،
والعلة لو ..
من غير عرض ،
م المفترض
تنفض غبار الالتفات .
الجرح يفضح .. لو رخيص ،
والضحى يوضح .. لو يصيص .
إوعاك تتوه

داخل .. سراديب الخلا
تسقط ..
(حدود المسألة) ،
وتروح فطيس !
أو تخطفك ..
ندهة سراب ،
بتخبى ليل حالك غطيس !؟
مفروود بساط قلبك عمار ..
ياين النهار ،
فى العتمة ترمح خطوته .
للشمس توصل ندهته
ترجع سؤال
للى اتسرق .. منه دليل السكة ..
لحظة عسرها .
وعملت ليه ..
ودنك عجين ،
والثانية طين !؟
أو مين رماك ع المر ..
ياين الطيبين !؟
ياؤسها مية شقاك ..
تروى انتهاك .. صفو السنين

وان جت نفوت ع العطشانين

من صهدھا ..

يزيد العطش .

زندك بطش ..

بالمجروحين .

دالحزن ليه طعم الغضب ،

والخوف مرارة الانكسار .

مش كل من خافت عينيه ..

ضى النهار ،

م العتمة تسلم بصته .

ولا كل من قصد السلامة

فى سكته .

نال الوطر

مين اللي قال : ان البكا ..

ممكن يقصر .. سكتك !؟

مشوار حصار ،

وانت اللي لازم ترفعه ،

والعمر مين هايرجعه ،

لوضاع هدر ؟

أنا جرحى عاتى كما الزمن ،

والصبر فاق الاحتمال

خائف تموت الأمثلة ،
أو ينقطع ..
حيل الوصال .
الليل طويل .. ياهلترى ؟!
ولا عشان باستنظرك ..
- يا صبح - طال ؟!
بشويش يا حزن ..
على اللي ضاع منه الأمان .
لما اتسرق .. طعم الدفا
من حضن قلب .. مالوش وطن
يامين يعيد رسم الطقوس
داخل نفوس .
أرواح وهجت م البدن
أو مين يداوى الجرح ..
فى كيد الأصيل ،
لو بان دليل ..
مع كل طلة صبح من
.. عمر الزمن
ان الكريم ..
داخل حدوده ييمتهن !!

١٩٩٣

تنويعات على مقام الصبا

(١) قرايه

لما الكلام ينكتب .. يلزمه مين يقراه ،
واما الجمال ييسود ، مفروض نقول : الله
وان حل بينا التعب .. م الصحبة .. يامحلاه
وان زاد علينا الألم .. بالغصب تيجي .. الآه

(٢) مشوار

لا عمل كلامي فرس ، واصل به للمشوار
دى الكلمة لو مخلصه .. تنفوت فى أى جدار
وان هى متلونه ، بتتوه فى أى مسار
ويكون مصيرها الفشل .. وتنفوت وراها العار

(٣) نسب

أنا قلت جدى بنالى .. بدل الهرم .. هرمين
وعمى أحمس ، وخالى .. يبقى .. صلاح الدين
وعرابى ساكن قبالى ، وف ريحى طه حسين
أخرجنى واحد سألنى .. لكن انت تطلع مين؟!!

(٤) تربية

سألت ابنى الصغير.. قصدى .. اننى ألاغيه :
لما هاتنجح ، وتكبر.. قول : ناوى تطلع إيه ؟
فاجئنى رده وكلامه ،.. لما التفت .. حواليه .
سألنى : ليه الحرامى .. الناس تقولله : ياايه ؟!

(٥) صراع

الدنيا دنية صراع ، والكل قصده يعيش
مليانه بالأوجاع ، وملطشة ، تلطيش
فسألت : مين مرتاح ؟ الكل قاللى : مافيش
أصل اللى جاي بيروح لكن اللى راح مايجيش

(٦) توازن

كما كرات الدم ، فى مواجهة الميكروب
فرعون فى نفس الجسد ساكن معاه أيوب
كذاب ما بين الناس وف وحدته صادق
ميلال لفعل الخير..لكن فعاله ذنوب

(٨) تساؤل

بصيت فى يوم للسما ، ولقيتني فيها سرحت
ونجومها متبعثره ، وقمرها باصص تحت
فسألت مين رصها ؟ وبضى عيني تحت
جواب بحجم الكون صدرى انشرح ، واراحت

(٩) غيره

واقفه النجوم متحسرة لحظة ما بان...ضى القمر!
نورها يالأ .. لو أفل حزن وكآبه .. لو ظهر
عجبي عليك يادى النجوم طبعك تمام طبع البشر
يبقى الضياء الأصل فيك وتغيرى من كتلة حجر!

(١٠) إنت القمر

مهما يقولوا عليك إنت القمر فى علاك
كل القلوب تراعيك سبحانه من جلاك
أنده عليك ، واتاريك ساير مع الأفلاك
داليل سواده كحبيب من غير ضيا لولاك

(١١) كلام

يامحيرين الكلام بين الغلط و الصح
فيه كلمة تشفى عليل وبكلمة تهلق جرح
وبكلمة تجرى دموع ويغيرها ييجى الفرج
وينظرة تلقى حوار ويطول معاه الشرح

(١٢) حياه

الناس بتعشق موت ، وانا عشقتك حياه
والخلق فى عشقهم غاوين يقولوا الآه
وانا اللي دايب فيه مابقولش غير : الله
دالعشق لو كان موت لزاى ياناس نحياه ؟

(١٣) حياه

باحب فيك ضحككتك لما تكون صافية
واعشق جمال نظرتك إكمنها ... دافية
واحب من كلمتك اللي بلا قافية
واموت فى طبع البساطة ودى وحدها .. تكفى
لكننى أكره موت ..
لر كان دليل قوتك هو دليل ضعفى

(١٤) تصريح

بتبوحى ليه بالحب ؟ والحب ليه إشارات
لو حتى جوه القلب ها يترجمه ... دقات
من غير كلام بيبان ممكن يكون سلامات
أوحسبى نظرة عين أو آهه م الآهات

(١٥) توافق


فرحتى دى من لجل بحبك وماهيش حتى عشان فاكرانى
ولا علشان حنية قلبك أو علشانك عايشة عشانى
رعدة إيدى لما بقابلك لها تفسير غير أى معانى
سر سعادتى إنك جيتى للدنيا دى ف نفس زمانى

وحبيتك

وحبيتك ..
وغير حبك .. ماعتدى بديل
وحبيتك ..
وانا حتى ..
فى حضن الليل !
فى ضحكة طفل .. حيرانة ،
فى لهفة أم .. سهرانة ..
بتتمنى ، وتستننى ..
يعود الفجر من تانى ..
مع المواويل ..
.....
يا موالى ..

القصيدة : أذيعت برنامج د أمسية .. ثقافية ، بتلفزيون القناة الثانية .
القصيدة من ديوان د وحى الكلام ، صدر عام ١٩٨٥

يا غنوة ناى .
لكل الناس .. باغنيها .
فى كلمة حق .. تتردد ،
فتجدد معانيها ،
وحبيتك ..
يا ساقية عشق .. تروينى .
يا صوت بالحب .. يشجيني
ولا غيرك .. وغير حضنك ..
يدفينى .
فى ليل البرد .. حبيبتك .
فى عز الشرد .. حبيتك .
ونادينى .. تلاقينى ..
فى وقت الشدة .. لبيتك ،
وحبيتك .
وترجع تانى .. أيامك ،
تحقق .. صعب أحلامك .
يهون الصعب .. ياغاليه ،
تهمى .. وتصلبى عودك .
وتفضل .. كلمتك عالية
واحس بنفسى .. فى وجودك ،
وحبيتك ..
يازرع أخضر .. بيتمخطر ، بأزهاره .



يانيل أسمر ..
كما السكر في مقداره ،
ومادته عاليه .. بتكبير .
تنادى قلوب .. بتستغفر ،
قلوب طاهرة ..
تصير أظهر ،
وحبيبتك ..
بالقمة عيش .. وفيها الملح .
يا ضلة ف غيط ..
يفيض بالقمح .
أشوفك فرح ..
في وقت الجرح ،
يدوب الليل .. مع نهارك ،
وتعلی وبعلا .. مقدارك ،
ولو ليلي .. يطول بى ..
لابد أوصل ..
لباب دارك .
وحبيبتك ..
يا طلة شمس .. بتصبح ،
.. وتتصحصح ..
جيران بيتك .
يا يستانى .. ياورد وفل ..

علینا یطل ،
ولما .. یهل ..
أشوف طفلك ..
بیتنطط ،
ویتشعبط ..
علی حجرک ..
ویغطس فی أمان .. صدرك .
ومن ریحتک .. بیتنفس ..
نفس جامد ..
یقوم فارد .. دراعاته ،
وینده .. ندهه لاختواته ،
ودمک .. یجری فی عروقه ..
کما صحبک ،
وهو یطل بشروقه
یطاطی ..
لاجل یرضیکى ،
وبعنیکی .. تشاوریلہ ..
عشان یرفع ..
جیینہ لفوق ،
ولا یطاطی ،
ولا یطاطی ، وحبیتک .

۱۹۸۳

مش هاقول : إني بحبك

مش هاقول : إني بحبك
كلمة غالية .. رخصوها .
مش هاقول : إني بحبك
ضحكة صافية .. عكروها .
مش هاقول : إني بحبك ..
عاوز أقولك .. كلمة ثانية
فيها معني .. مش بسيط
نفسى لوزر ..
يمكن أقدر ،
لو أغوص .. تحت المحيط .
لو تكون .. فوق الجبال ،
ولا تايهة فى الرمال ،



أو في نجمة .. ساكنه أعلى ..
من حدود الاحتمال !

.....

نفسى ..
ألاقى معنى ثانى ،
معنى أكبر .. م المعانى .
معنى أطول .. م الليالى ،
معنى أكبر ..
من خيالك .. أو خيالى
معنى أقدر ..
بيه أفسر ،
إنى منك .
وانت لى .. ومخلوقالى .

.....

مش هاقول : إنى باحبك .
حسى بيها .. بنىض قلبك
والكلام ..
لو كان يعبر ،
رايح أدور .. فى المعانى
الى ساكنة ..

جوه أحضان الأغاني .
يمكن ألقى ..
كلمة تايهة ،
بيها أنه .. أحلى ندهه .
زى غنوة ..
طير يزقزق .
عند طلة .. شمس تشرق ،
فى الجنائن .
فوق بساط .. فصل الربيع
زى ضحكة .. صافية ..
دايمة
تمحى أحزان الجميع .
زى .. حنية أمومة ،
وقت ما تضم الرضيع
لما ..
يتقابلوا .. الحبايب
فى الشفق ..
وقت المغارب .
ولا ..
لهفة شوق .. لعاشق ،

لو .. حبيبة .. عنه غايب .
وأما أتعب ،
ولا أغلب ..
مش هاقول : إني باحبك !-
وإن قدرتي ،
أو حاولتي .. تفهميني
تلقى صمتي ..
رايح يقولك :
ألف ميت مليون .. بحبك

١٩٨٧

علمنى اعموم ..

يمكن صحيح ..
.. أو ربما ،
لكنما ..
لما أنا .. مابقيتش انا .. !
لحظة هنا .
إوعاك تقوللى :
مين انا .
وان كان صحيح ..
قصداك صريح ،
لو حتى جارحة ومؤلمة .
هاتلى إجابة ..
تدلنى ..

على شئ حقيقى ..
يهمنى ،
راح فىن .. أنا ؟!
ياسهم .. جوايا انطلق .
ياحوار بدأ ،
فىن الصواب ..
مايبن طوفان ..
مليان قلق ؟!
علمنى اعوم .
كفاياك كلام ..
القصدي به .. أخشى الفرق !
ضاع الطريق ،
ضل الهدف ،
لما هتف ..
جوايا سهمك .. يا كلامك .
عريد فى تفكيرى .. الهزىل
حطم .. خللايا الهمهمات
هفر الوتر
حرك تماثيل .. السكات ،
صحنى م الوهم ..
البليد

والموج الحقيقى .. بينكسر ،
من فوق صخورك .. يا سراب .
الصمت أبلغ م الكلام
لو كان فى صيغة أسئلة ..
ما لهاش جواب .
ولا الجواب ..
يمكن ..، وجايز ..، ربما ..
لكنما ..
م المحتمل ،
يمكن مع طول الأجل ..
بالصمت أعرف ..
فين أنا ؟!

١٩٨٦

الحلم اليتيم

عائشة ف ملامحى ..
قصتى ،
تبدأ فى لحظة .. ما أنتهت !
ما اعرف زمانى ...
ان كان مضى ..
أولسه جى !؟
كل اللي ممكن .. أعرفه ،
جوايا حلم .. مكونه ..
خايف عليه زى الضنا ..
ويقسوة .. المهدي ،
اللي أصبح .. كالحطب !
الحلم خايف يتولد .
جوايا شلته ، وبيه جريت

ألقيت فى ندوة (دماط الشاعرة التى أقامت بكلية الزراعة جامعة عين شمس)

لبعيد - هناك - .. تحت السما ،
ادركت .. غايى المؤله !
لما التقيت ..
نفس المكان .. الى سبق ..
منه ابتديت !!
وتعبت جري ف مطر حى ..
يازهرة الوهم الجميل ..
دبلاته .. ليه بتجر حى ؟!
حسيت بحلمى بينتحب ،
وبينسحب .. من مهبجى ..
ضاع الطريق .. من رحلتى !
والرحله ..
لازم تكتمل .
عطشان وعائز أشربه ،
الحلم ليه .. أصبح سراب ؟!
- إلا .. أنا - ...
لم حد .. يسمع صرختى .
يمكن ..
أحس بالارتياح ،
لو عينى بتلبى البكا !
الدمعة ليه .. متحجره .. ؟

والرحلة مالها قصيرة ؟!
أنا حتى لو - جدلا - بكيت .
من غير ياريت !
طب أبكى ع العمر ..
اللى ضاع ،
أو عمر .. لسه ، راخ يضيع ؟!
ولا على الحلم ..
اللى أصبح .. كاليتيم ،
من قبل ..
مايصح رضيع !
الدائره .. لازم .. تتصل .
والعمر متدد .. شقا .
كل الحصاد يا حلم .. فيك ،
وحياتي بيك .. متعلقة ..
مابقاش .. بقا .
سامع أدان .. جرس الرحيل ،
ترنيمه .. القصد النبيل .
بتنادى .. روحى المتعبه .
يدركنى ..
قطر ملان .. قصص .
تشبه .. ملامح .. قصتى !

- ماشى بعكس الاتجاه - ..
محتاج .. أملى وصيتى ،
- قرب .. رصيف نبض الحياه -
(كان باقى فصل .. ف قصتى)
وباقيلى ..

كلمة ف دنيى .
رغم الجراح .. ونطقتها ،
جوه البراح .. وطلقها .
ويا الرياح .. بعترتها .
لجلن ماتوصل ..
.. للمدى

قال الصدى :
سافر ، وفوت ،
وادخل تابوت
د الحلم .. مش ممكن يموت .
الحلم .. مش ممكن يموت
الحلم ..

مش ممكن

يموت

١٩٨٦

ملاح

عَرَضْتُ قُورَتَكَ .. فِي صُورَتِكَ
وَرَسَمْتُهَا بِإِيدِي .
وَضَحْتُ عَطْفَكَ .. فِي وَصْفِكَ
حَسَبَ مَا بَتَرِيدِي .
ظَهَرَتْ شَهَامَتُكَ .. فِي هَامَتِكَ
بَيْنَ نَخْلِي وَجَرِيدِي
وَصَلَّتْ حَدُّكَ .. لِحَدِّكَ
وَاخْتَرْتَهُ يَوْمَ عِيدِي
مَنْظَرَ طَبِيعِي ، وَطَبِيعِي
مَا يَكُونُشْ سِرِّيَالِي
وَلَا حَتَّى تَجْرِيدِي

.....

أَخْضَرَ يَاعُودُ الضَّحْكَةِ .. نِي
بِكِرْهِ جِي
تَبْقَى زِي .. كَأَحْلَى زِي
زِي اللَّقَا .. بَعْدَ الْغِيَابِ
أَوَّلِيلَ طَوِيلَ ..
جَايَ بَعْدَهُ ضِي

الشاعر فى سطور

- * أحمد السعيد الشربىنى .
- * مواليد قرية الشعراء - محافظة دمياط .
- * عضو نادى الأدب بدمياط ، وعضو مجلس إدارته .
- * حصل على العديد من الجوائز فى المسابقات الأدبية المختلفة .
- * مثل دمياط فى العديد من المؤتمرات القومية والمهرجانات .
- * قدم عدة برامج إذاعية لإذاعتى صوت العرب ، والشباب والرياضة
- * أشرف على تحرير مجلة رواد الأدبية الصادرة عن فرع ثقافة دمياط
- * أشرف على الصفحة الأدبية لعدة جرائد محلية .
- * سجل لعدة برامج فى التلفزيون أهمها أمسية ثقافية .
- * صدر له ديوانى (بأحلم لبلدى) ، (وحى الكلام) .
- * له تحت الطبع :
- (حصار الأسئلة) شعر .
- (المفروض فى علم العروض) دراسة متخصصة .

فهرست

٥	أسئلة	١-
٦	تتراتن-میل	٢-
٩	حصار الاسئلة	٣-
١٣	عند نناد	٤-
١٦	فی المقتترق	٥-
٢١	إرمى الحجرة	٦-
٢٤	غربة	٧-
٢٧	أصول الشقة شقة	٨-
٣٠	فی طلة حلمنا الرردی	٩-
٣٣	تشویش	١٠-
٣٨	موات	١١-
٤٠	المشاء الأخیر	١٢-
٤٣	هزم الکام الصمت	١٣-
٤٦	بصة من شبک اللى جای	١٤-
٤٩	أحلام الشجرة	١٥-
٥٣	لحظة مریلاد	١٦-
٥٨	وكان.. یاما.. كان	١٧-

٦٣	حـبـال الصـمـت	١٨-
٦٧	مـنـارـيـس	١٩-
٧١	زهره البـنـنـين	٢٠-
٧٦	أوعى مـرّة تـمـيـقـنى	٢١-
٧٩	الموضـوع .. واخـمـول	٢٢-
٨٤	تنويعات على مقام الصبا	٢٣-
٨٩	وحيـتـك	٢٤-
٩٤	مش هاقـول انى بحـبك	٢٥-
٩٩	علمنى أعـوم	٢٦-
١٠٢	الحلم الـمـتـم	٢٧-
١٠٦	مـلـامـح	٢٨-

- ١- غنوة شقيانة - شعر النبوى سلامة
- ٢- اغنيــــــــــــــــول - شعر سمير الفيل
- ٣- رؤية أخرى - قصص محمد الشريبي
- ٤- شاعر الفلاحين - دراسة كامل الدابي
- ٥- شبابيك - شعر مجدى الجلاذ
- ٦- كلام للطنين - شعر محمد العتر
- ٧- تعالى نفى - شعر للأطفال محمد أبو سعدة
- ٨- رباعيات - شعر السيد الغواب
- ٩- المألوف والمخالفة - قصص مصطفى الأسمر
- ١٠- صدرى تسكنه غابة - شعر فكرى العتر
- ١١- البحث عن عاشور الناجى - دراسة مصطفى كامل
- ١٢- مسافر يابحس - شعر محروس الصياد
- ١٣- ع الرصيف - شعر كامل الدابي
- ١٤- رباعيات وأغاني - شعر السيد الغواب
- ١٥- أصداء من رياح العشق - شعر مصطفى العايدى
- ١٦- الحمار والتوتة - شعر السيد الغواب
- ١٧- حمل الزمان أكبر - شعر عبد العزيز حبه

-
- ١٨- ورد الجنينة - شعر للأطفال
١٩- سيف مع سبق الإصرار - مسرح
٢٠- أنا وحمارى - شعر
٢١- ورود - شعر للأطفال
٢٢- محاكمة - شعر
٢٣- رباعيات الغوَاب - شعر
٢٤- شعر العامية فى دمياط - شعر
٢٥- القصة فى دمياط - قصص
٢٦- اتيهوا أيها السادة للسيدات - مسرح
٢٧- الجنين فى شهره الأول - قصص
٢٨- تنويع على فعل - شعر
٢٩- اندهش البلتاجى فمات - رثاء
٣٠- قصيدة ساذجة - شعر ورثاء
٣١- الحاجز البشرى - قصص
٣٢- عنقاقيد - شعر
٣٣- عروس البحر - للأطفال ورثاء
٣٤- أولاد البحر .. أولاد نوح - قصص
٣٥- لحظة ميلاد - شعر
- هالة المغلاوى
عماد الديب
السيد الغوَاب
هالة المغلاوى
السيد عامر
السيد الغوَاب
مجموعة
مجموعة
ناصر العزبى
عوض عبد الرازق
محمد سالم مشتى
مجموعة
د. حسام أبو صير
فكرى داود
أحمد راضى
حامد أبو يوسف
حلمى ياسين
أحمد الشرينى
-

٤) صابر عسرة
الشهير (أخرف عسرة)

قطر - الدوحة
٩٠٢٧٨ ح.٧٤
منطقة الريانة الجديدة

٨٠٥٦٤٩ / الدوحة

رقم الإيداع
بدار الكتب والوثائق القومية

٩٦ / ١٠٥٩٤

الترقيم الدولي 0 - 688 - 235 - 977

٤) صابر عسرة
طبعة المنقوشة في سنة ١٥٠٠
في بيت صابر عسرة
عبد الرحمن عسرة (أخرف عسرة)

تم الجمع التصويري والتجهيزات الفنية والطباعة

بدار الصياد للكمبيوتر والطباعة بدمياط ٣٢٩٤٥٩

٦٠٧٦١١ / بورسعيد